

查悔余文集

2003/1205

內容提要

查慎行（一六五〇——一七二七）本名嗣璉，字夏重。弟嗣廷陷文字獄，因改慎行，改字悔余。浙江海寧人。少學于黃宗義，與朱彝尊爲中表兄弟。其家境貧寒，無以自存，不得已依人遠幕。康熙二十三年始舉鄉試，三十二年賜進士，以詞翰入侍禁林，選庶吉士，授編修，充武英殿書局校勘。因得罪，特許放歸田裏，爲江南文壇老宿，稱當代大家。遺著有《敬業堂詩集》、《續集》。這部《文集》爲未刊稿本。全書收詩賦、序跋、碑記、神道、墓志、祭文、哀辭、行略、塔銘等，約百二十篇。其中有榮祿神道碑、徐善長墓表、王錫朋行略等人物的記載，具有較高史料價值。全書文章老練，用辭高雅，有較高欣賞研究價值。

萬壽頌 并序

臣聞景運方中。兩曜之光久照。太和在宇。四時

天。至聖法天而不息。無疆者地。大君應地而永貞。惟德與上下同流。斯壽與清寧合撰。故書稱五福。先之錫極。脩徵詩頌。九如。首以罄宜。戩穀。全其理者。裕其數。敷天同愛戴之忱。足其實者。隆其名。率土有頌。颺之義。若夫巍峩浩蕩。德極於無能名。斯乃通復循環。壽至於不可紀。概舉盈數。則數衍萬年。實指元功。則功侔兩大。乾施坤載之象。固無媿而不臻。日升月恒之華。亦有目所共睹。傳紀元於隸首。推甲子於大撓。莫能揆此貞符。量其洪算者矣。欽推

皇上德備三才。心涵萬有。生知天縱。聖神文武皆全。盛業日新。祿位壽名俱永。運璿璣而鼓大化。雲行雨施。握金鏡而煥弘猷。星羅電耀。朝乾夕惕。萃千八百國為一家。肝食宵衣。合五十二年如一日。書契所載。古未之聞。覩記之餘。畧陳其概。竊見天以一誠為命。而四時百物效其能。聖以一敬居心。而八政五紀歸其極。錫萬邦之福典。莫隆於享帝。享親垂百代之型。道莫重於盡倫。盡物。我

皇上親郊以承

蒼昊。既祇飭於齋宮。對越之時。祈穀以望。豐年復加虔格。用幣薦馨之。

表紫壇紺幄事

天即以為民。黛耜朱紘。勤民所以裕國。而且因心為孝。問安視膳之勤。修率。

祖攸行。成憲舊章之恪。守謁。

園陵而展祀。霜露增思。侍。

長樂以承歡。晨昏靡間。

勵精聽政。當未央而問夜。瞻星倡儉。率先享。

大奉而浣衣菲食。燭妍媸於明鏡。萬象莫逃。權輕重於平衡。五材。

並飭。虛懷以求。鞞鐸恒執。而用中。殊禮以厚。股肱。務循聲而。

核實。授官分職之際。必重斷於親。親咨月要。歲會之餘。特加嚴。

於保任視羣臣為同體。豈內重而外輕。訓大吏以躬行。貴上廉而
下法。師師有位。和表以共襄太子。諳吉人。延頸而樂觀雅化。亦
其舉三雍之禮。道岍先登。屈

萬乘之尊。儒宮丕煥。凡筵賜。賜蓋闕里。隆九拜之儀。俎豆加邊。考
亭躋十哲之配。振濂閩之絕學。簪纓下逮雲初。溯洙泗之流風。爵
秩均加苗裔。敦行崇實。明訓早厲於黌宮。廣額開科。殊恩覃
敷於多士。投戈而爛禮讓。弁伍觀光。釋耒而奏絃歌。草茅承化。至
於廣廈。細旃之上。周知稼穡艱難。省方問俗之時。弘溥閭閻
樂利。權有無而通計。視周官國用之餘。合遐邇以胥蠲。陋漢詔田

租之半發帑動輸踰百萬。雨潤焦枯。賑荒不惜再三。雷蘇寒墊。推恩下弛於驛遞。寬額傍逮於閭閻。心茲撫上。益下之弘。規皆屬約。已試民之。至意屢紆。法駕河防。永固於淮揚。一票宸謨。水利聿興於畿輔。陂渠底績。人登衽席之安。灌溉為資。戶獲倉箱之慶。豳風塲圃。繪耕織以成圖。勾盾田疇。勸農桑而布令。水旱無虞於裡。崇春秋匪懈於耕耘。猶念愚賤之無知。或致桁楊之失入。虞廷欽恤。三居三宅之必詳。周制寬平。八法八議之惟慎。刑罰措而晝衣不犯。羣游恒性之天。親遜成而比屋可封。共託好生之宇。道德於是乎一。風俗於是乎同。若夫神武性優。知勇天錫。懷仁

育義正之畧。所向無前。屢安邦除暴之心。有征必克。披金鉦而問
罪。若烈火之燎鴻毛。秉旄鉞而行誅。譬衝風之捲秋穽。運九天
於掌上。如雷如霆。決千里於目中。不震不動。前者三藩逆命。奉天
威而鯨觀。長封後此一隅。跳梁奮乾。斷而狼烟立掃。版圖式廓。提
封開海外之疆。沙漠永清。都護拓安西之界。迄乎功成治定。偃
武脩文。禮樂以條貫其中。和詩書以導揚其美善。法有因而典有
創。酌益損以昭垂。史為緯而經為經。合異同以參攷。國書為同
文之盛。翻譯加詳。古文為特藝之宗。選裁獨止。旁通聲韻之學。清
濁叶于元音。博求事物之原。鴻纖歸於實據。他如文林華什。藝苑

卮言莫不廣采群書萃成全集或冠以御序如乾象之包六爻
或加以手批若曦光之燭萬景精思奧義一覽無餘巨簡長編
十行竝下尤以數為律本熟研於求邊求角之間律為樂原詳審
於陰生陽生之用蓋自羲皇畫卦之後堯典授時以來直探河洛
之測源備悉疇圖之象數謂方圓未足以測天地必推三角以挾
其精微謂晷刻不足以周古今必準五行而驗其盈縮窮天文之
節度譬合珠聯究地理之縱橫絲牽繩貫名一物而源流具見舉
一事而本末胥融良由質賦生安心通俞闢濟以鈞深致遠
兼之好古敏求講幄宏開披琅函而陳性命經筵時御啟緇

帙而闡苞符會萬理於一中。統萬殊於一貫。先天後天之學。較若
列省。無極太極之幾。洞如指掌。溯心傳而承學統。直窮千聖淵涵。
羅道數而包藝林。兼漱百家芳潤。敷鴻文以宣化。鼓盪風霆。抒
麗藻以成章。昭回雲漢。會心呈象。皆周情孔思之微。寓物興懷。
悉禹鼎湯盤之秘。煌煌二典。配御製而成三。浩浩三倉。推帝
書為第一。當萬幾之稍暇。擅八法而兼工。宛轉揮毫。鐵畫銀鉤。
之筆。淋漓染翰。龍翔鳳翥之形。散異彩於行間。際光四照。運神江
於法外。逸態橫生。總之。聖必多能。遂爾學該游藝。備顯仁藏用
之德。大包宇宙而靡遺。極開物成務之能。細入豪芒而無間。溥天

後攷

之下品物咸亨。自古及今。光華復旦。自非大猷駿業。咸五而登三。
茂實英聲。下蟠而上際。孰與媿可久。可大之模。脩貞觀貞明之量。
也哉。茲者。昭陽紀歲。南斗中天。踰成周解禊之期。得向曲會仙之
日。恭遇我

皇上。誕生開太平之基。卜曆周花甲之數。於時百昌暢遂。二氣氤氳。
披長養之和風。樂舒長之化日。鷓行鷺序。趨朝聯賀。雀之班。虎之
熊。臣結綬映倬桃之色。杯枕獻頌。旁及采槐市。荈宮。願手歡。吟不
逮夫。黃冠緇衲。或託仙音。而致禱。絳節樹於琳宮。或假佛力。以祝
釐彩。幢湧於寶地。以至東西南朔。同切瞻雲。就日之思。寄棘。譯提。

並懷望。闕呼嵩之願。蓋天意欲斯民之久治。而人心樂我。後之長生。要皆發乎至誠。本乎至性。既無遠而弗屆。亦不召而自來。極之。趾羽含仁。麟游而鳳舞。山川效順。玉耀而珠輝。正使洛出瑞圖。河浮丹篆。八扉夙並。六樂偕宣。未足臚列禎祥。形容美備。而我

皇上方且謙而弥光。恒以一德。屏顯名而敦實政。脩人事以答天庥。功崇業廣。而尊號弗居。道洽化成。而休徵勿錄。端拱穆清之上。惟相忘於棟牖松雲。照臨函夏之間。益致謹於深心浴德。皇哉唐哉。茂以加矣。巍乎煥乎。孰能名焉。臣某秉質顛愚。賦材誦薄。

脩員省闕舉家叨養之 恩竊祿卿班仍世荷 生成之德欣

逢

聖節莫罄懽悰。輒效卷舞而塗歌。聊用管窺而蠡測。淵鱗仰沫。能無
踊躍之情。巢翼翔庭。與有飛翾之樂。謹拜手稽首而獻頌曰。

聖人秉曆。體德於乾。纂承

烈祖。昭事

上天。醇風翔洽。文命遐宣。開來示極。振古無前。其一 天亶

元后。至德廣運。明物察倫。窮理盡性。唐虞勳華。洙泗義蘊。爰集大成。

昭垂

典訓其二 金鏡既清。玉衡斯平。兼三道合。明兩化行。九疇式叙。萬物

由庚。日用徧德。以綏我氓。其三 浩浩九區。茫茫禹績。

一人有慶。岳瀆受臧。海不波揚。河無汎溢。成天予地。欽哉

帝力。其四 時邁其邦。通勤

輜駕。傲爾有位。助宣仁化。有祖斯蠲。有罪斯赦。戶戶羔豚。村村桑柘。

其五 好生之德。涵育群靈。原情以義。按律以經。豈伊祝網。允矣空

圖。罰用止罰。刑期無刑。其六 文治光昭。武功丕烈。

一怒安民。雷轟電掣。梟獍就殄。機槍掃跡。泰階既平。海外有截。其七

延闡性道。延覺顛蒙。異端胥斥。聖道攸崇。

奎章宸翰開闢鴻濛式我金玉同倫同風其八人沐禮澤家翔義圃

鼓篋橫經什什伍伍爰逮虎賁周旋規矩何以柔之辟雖鐘鼓其九

柔遠能通化洽無垠皎日麗天萬象同春來重九譯去脩四賓行

人歲款悉主悉臣其十上苑花明液池魚躍瑞表

山龍祥徵海鶴天道不言有孚咸若壽域弘開與民偕樂其十一太

和保合元氣充盈靡性不遂靡滋不萌嘉禾九穗朱草六莖為我

皇壽暢茂畢呈其十二在地成形在天成象神泉晝湧甘露宵降麟

出於郊鳳巢閣上為我

皇壽詎可數量其十三我

壽之壽與時循環周而復始孰測其端合四天下歷億萬年同瞻
舜日永戴
堯天其十四

擬上

代九卿作

尊號表 康熙癸未

竊惟五行號帝象莫著於仰觀三統稱皇典莫隆於監古欽明濬
哲勛華咸擅殊稱知勇純熙湯武允無慙德蓋善頌善禱者臣子
之至情而得壽得名者帝王之懋績昭垂注策炳啓來茲欽惟
皇上 德符寶籙 道握璇圖 秋肅春溫酌剛柔於竝濟 乾施
坤載表覆幬於無私質文持五運之中 王猷時乂禮樂冠百王
之上 聖敬日躋懸日月而式九圍鼓風霆而清八極巍 有象
大文緝地而經天蕩 難名邈化上蟠而下際 至誠能格儼對